

四庫全書

子部

欽定四庫全書

子部

御製數理精蘊下編卷十二

詳校官欽天監博士_臣張天樞

靈臺郎_臣倪廷梅覆勘

總校官檢討_臣何思鈞

校對官教習_臣倪廷梅

謄錄監生_臣傅商霖

繪圖監生_臣周濟

欽定四庫全書

御製數理精蘊下編卷十二

面部二

勾股

定勾股無零數法

勾股弦相求法附勾股求積

勾股形內求中垂線及容方圓

等形

勾股弦

和較相求法上

勾股

周髀曰折矩以為勾廣三股修四徑隅五既方其外
半其一矩環而共盤得成三四五兩矩共長二十有
五是為積矩此言勾股正數之所以立法也蓋勾股
得長方之半形故其一角必成矩

所謂直
角也

而後可謂

勾股如其一角不能成矩則為三角形而非勾股矣
因勾股一角必直故立於圜界之正一半而自直角
所作垂線遂成連比例三率是以直角相對界所作
方形之積必與兩傍二界所作兩方形之積等

見幾
何原

本九卷
第四節
而勾股弦彼此相求之法於此生焉其法所

該有四一勾股弦三者知其二而得其一或知其二

而得其積一勾股形自其直角對弦界求垂線一勾

股形內容方圓等形一勾股弦三者知其一復知其

餘二者之較或二者之和而得其二或知其兩較或

兩和或一較一和而得其三

出勾股弦和較之法雖雜

弦方積相求之理較有勾股較勾弦較股弦較和有

勾股和勾弦和股弦和和較相疊則又有弦與勾股

之和相和或名之曰弦和和有弦與勾股和相較或名

之曰弦和較有弦與勾股較相和或名之曰弦較和


有弦與勾股較相較或名之曰弦較又勾股

弦和相和者或名之曰勾和和股與勾弦和相和者


或名之曰股和和即弦和也勾與股弦和相或名之曰股
 較和即弦較和也股與勾弦和相較者或名之曰股
 和較勾與股弦較較相和者或名之曰勾較和即弦較
 較也勾與股弦較較相較者或名之曰勾較較股與此
 勾弦較相較者或名之曰股較較即弦和較也
 四者皆勾股之正法理一定而數隨之者也至若勾
 三股四弦五之類倍之至於億兆而總不越此一定
 之分者名曰正勾股槩以比例推之則三者止有其
 一即可得其二或有積而即得其三界此為數一定
 而法隨之者也一一按類列題發明如左

定勾股弦無零數法

設如用二四八連比例三率定勾股弦無零數問各得幾何



法以中率四命為四尺為股首率二尺
與末率八尺相減餘六尺折半得三尺
為勾首率二尺與末率八尺相加得十
尺折半得五尺為弦也如圖甲乙為首
率二尺丙乙為中率四尺乙丁為末率
八尺今以甲乙與乙丁相和共為甲丁
十尺而以丙乙立於甲丁線相和之乙



處乃以甲丁折半於戊以戊為心甲丙

丁為界作半圓復以丙至甲至丁作丙

甲丙丁二線遂成甲丙丁勾股形其丙

角立於圓界之半必為直角

見幾何原本四卷第

十四節而丙乙為垂線即將甲丙丁勾股


形分為甲乙丙丙乙丁兩勾股形而與

原形為同式三勾股形矣


見幾何原本九卷第一節

其甲乙與丙乙之比同於丙乙與乙丁


之比為連比例三率故以中率丙乙為



股而首率甲乙與乙等與末率乙丁相減
餘乙已折半得乙戊為勾又首率甲乙
與末率乙丁相加之甲丁折半得甲戊
戊丁二半徑與丙戊等為弦也此法原
為定勾股弦三者俱無零數之法所設
之數必彼此可以度盡始可立為準則
否則勾股弦三者必有一不盡之數矣
設如有四六可以度盡之兩數欲定勾股弦無零數
問各得幾何




法以四尺為首率六尺為中率將中率
 六尺自乘得三十六尺用首率四尺除
 之得九尺為末率乃以中率六尺為股
 首率四尺與末率九尺相減餘五尺折
 半得二尺五寸為勾首率四尺與末率
 九尺相加得十三尺折半得六尺五寸
 為弦也如圖甲乙為首率四尺丙乙為
 中率六尺今以中率六尺自乘用首率
 四尺除之乃得乙丁末率九尺爰以甲




乙首率乙丁末率相和折半於戊以戊
為心甲丙丁為界作半圓復自丙至甲
至丁作二線則成甲丙丁直角三角形
其丙乙中率即為丙直角之垂線故以
中率丙乙為股而首率甲乙與末率乙
丁相減餘乙已折半得乙戊為勾而首
率甲乙與末率乙丁相加得甲丁折半
得甲戊戊丁與丙戊等為弦也

設如有四六九連比例三率以中率六倍之為股定


勾弦無零數問各得幾何




法以首率四尺與末率九尺相減餘五
尺為勾首率四尺與末率九尺相加得
十三尺為弦也如圖甲乙為首率四尺
丙乙為中率六尺乙丁為末率九尺爰
以甲乙首率與乙丁末率相和折半於
戊以戊為心甲丙丁為界作一全園復
自丙至甲至丁作二線則成甲丙丁直
角三角形其丙乙中率即為丙直角之



垂線今將中率丙乙倍之即得丙庚為
股故以首率甲乙與乙與末率乙丁相
減餘乙巳與庚辛等為勾又首率甲乙
與末率乙丁相加得甲丁全徑與丙辛
等為弦也蓋前二法用中率為股故以
首率末率相減折半為勾首率末率相
加折半為弦此法則倍中率為股故以
首率末率相減即為勾首率末率相加
即為弦而皆不用折半也又圖甲乙為



首率四尺乙丙為末率九尺甲丙為首
 率與末率相加之十三尺丁丙為首率
 與末率相減所餘之五尺如依甲丙線
 度作甲戊巳丙正方形即為弦自乘之
 方如依丁丙線度作丁庚辛丙正方形
 即為勾自乘之方今以乙丙末率亦作
 一正方形將兩邊線引長至甲戊巳丙
 正方形界則成甲癸丑乙與丑壬巳子
 二長方形仍餘癸戊壬丑一小正方形




又以丁庚辛丙正方形之丁庚界引長
至乙丑子丙正方形之丑子界則又成
乙丑寅丁一長方形與前一長方形等
仍餘庚寅子辛一小長方形合前癸戌
壬丑一小正方形則亦與前一長方形
等是此四長方形皆為首率與末率相
乘之長方而與中率自乘之正方形相
等矣


見算法原本
二卷第三節

如以此四長方形共

計之則為甲戌己辛庚丁一磬折形今





甲戌己丙既為弦自乘之一正方而丁
 庚辛丙又為勾自乘之一正方則兩方
 相減所餘之甲戌己辛庚丁磬折形之
 積與股自乘之一正方等
見幾何原本
九卷第四節
 甲戌己辛庚丁磬折形既為四長方之
 共積則四長方之共積亦必與股自乘
 之一正方等首率末率相乘之四長方
 既與股自乘之一正方等則中率自乘
 之四正方亦必與股自乘之一正方等





是故中率自乘之四正方合之而為股
自乘之一正方則其每邊必比中率各
大一倍見幾何原本
七卷第五節故倍中率而為股
者必取首率末率之和而為弦首率末
率之較而為勾蓋首率末率相和自乘
之一正方內減去首率末率相較自乘
之一正方甫能得中率加倍自乘之一
正方積也

勾股弦相求法 勾股求積附


設如有股四尺勾三尺求弦幾何



法以股四尺自乘得十六尺勾三尺自
 乘得九尺相加得二十五尺開方得五
 尺即為弦也如圖甲乙丙勾股形其甲
 乙股所作丁戊乙甲正方形積乙丙勾
 所作乙己庚丙正方形積相併必與甲
 丙弦所作甲丙壬辛正方形積等試自
 乙直角過甲丙弦作一乙癸子線則將




甲丙壬辛正方形分為甲癸子辛癸丙
 壬子二長方形而甲乙丙勾股形分為
 甲乙癸乙丙癸同式兩勾股形矣其甲
 癸與甲乙之比同於甲乙與甲丙之比
 為連比例三率故甲乙中率所作丁戊
 乙甲正方形與甲癸首率甲丙末率相
 等之甲辛所作甲癸子辛長方形之積
 相等也又癸丙與乙丙之比同於乙丙
 與甲丙之比為連比例三率故乙丙中



率所作乙己庚丙正方形與癸丙首率
 甲丙末率相等之丙壬所作癸丙壬子
 長方形之積相等也一正方所分之二
 長方既與二正方之積相等則此二正
 方之積相合與彼一正方之積相等可
 知矣

設如有勾五尺弦十三尺求股幾何



法以勾五尺自乘得二十五尺弦十三
 尺自乘得一百六十九尺相減餘一百




四十四尺開方得十二尺即為股也如
 圖甲乙丙勾股形自乙直角過甲丙弦
 作一乙癸子線則將甲丙壬辛正方形
 分為甲癸子辛癸丙壬子二長方形其
 癸丙壬子長方形積與乙丙勾所作乙
 己庚丙正方形積等其甲癸子辛長方
 形積與甲乙股所作丁戊乙甲正方形
 積等故甲丙弦所作甲丙壬辛正方形
 內減去與乙己庚丙正方形相等之癸

丙壬子長方形餘甲癸子辛長方形即
與丁戊乙甲正方形之積相等故開方
而得甲乙為股也

設如有股二十一尺弦二十九尺求勾幾何




法以股二十一尺自乘得四百四十一
尺弦二十九尺自乘得八百四十一尺
相減餘四百尺開方得二十尺即為勾
也如圖甲乙丙勾股形自乙直角過甲
丙弦作一乙癸子線則將甲丙壬辛正



方形分為甲癸子辛癸丙壬子二長方形其甲癸子辛長方形積與甲乙股所作丁戊乙甲正方形積等其癸丙壬子長方形積與乙丙勾所作乙己庚丙正方形內減去與丁戊乙甲正方形相等之甲癸子辛長方形餘癸丙壬子長方形即與乙己庚丙正方形之積相等故開方而得乙丙為勾也


設如有勾六尺股八尺求面積幾何



法以勾六尺與股八尺相乘得四十八尺折半得二十四尺為面積也如圖甲乙丙勾股形其乙丙勾與甲乙股相乘則成甲乙丙丁長方形其積比甲乙丙勾股形正大一倍故折半得勾股積也若有勾弦求面積則用勾弦求股之法得股與勾相乘折半得面積或有股弦求面積則用股弦求勾之法得勾與股


相乘折半得面積也

又法將勾六尺折半得三尺與股八尺相乘亦得二十四尺為面積也如圖甲乙丙勾股形將乙丙勾折半為乙丁與甲乙股相乘成甲乙丁戊長方形其甲戊已小勾股形與已丁丙小勾股形之積等如以甲戊已小勾股形移於已丁丙適合甲乙丙勾股形積故甲乙丁戊長方形積與甲乙丙勾股形積相等也




勾股形內求中垂線及容方圓等形

設如有勾六尺股八尺弦十尺欲自直角對弦界作垂線問得幾何




法以弦十尺為一率勾六尺為二率股八尺為三率推得四率四尺八寸即為自直角對弦界所作垂線也如圖甲乙丙勾股形作甲丁垂線則將甲乙丙勾股形分為甲丁乙甲丁丙兩勾股形皆與原形為同式故原甲乙丙勾股形之




乙丙弦與甲乙勾之比同於今所分甲
丁丙勾股形之甲丙弦與甲丁勾之比
而為相當比例四率也


設如有勾六尺股八尺弦十尺欲自直角對弦界作
垂線分弦為二段問所分二段大小各幾何



法以勾六尺自乘得三十六尺以弦十
尺除之得三尺六寸為垂線所分之小
界以股八尺自乘得六十四尺以弦十
尺除之得六尺四寸為垂線所分之大




界也如圖甲乙丙勾股形作甲丁垂線
 則分甲乙丙勾股形為甲丁乙甲丁丙
 兩勾股形皆與原形為同式故原甲乙
 丙勾股形之乙丙弦與甲乙勾之比同
 於今所分甲丁乙勾股形之甲乙弦與
 乙丁勾之比為連比例三率而原甲乙
 丙勾股形之乙丙弦與甲丙股之比又
 同於今所分甲丁丙勾股形之甲丙弦
 與丙丁股之比亦為連比例三率是以





原甲乙丙勾股形之甲乙勾又為今所
分甲丁乙丙勾股形之弦者為中率自乘
而以原甲乙丙勾股形之乙丙弦為首
率除之得末率乙丁為甲丁垂線所分
之小界原甲乙丙勾股形之甲丙股又
為今所分甲丁丙勾股形之弦者為中
率自乘而以原甲乙丙勾股形之乙丙
弦為首率除之得末率丁丙為甲丁垂
線所分之大界也

設如有勾五尺股十二尺問內容方邊幾何




法以勾五尺與股十二尺相加得十七尺為一率勾五尺為二率股十二尺為三率推得四率三尺五寸二分九釐有餘為內容方邊也如圖甲乙丙勾股形甲乙為股十二尺乙丙為勾五尺試依乙丙勾數將甲乙股引長作甲戊線為勾股和十七尺自戊與乙丙勾平行作戊丁線又將甲丙弦引長作甲丁線則




成甲戊丁同式勾股形復自丙角與甲
戊線平行作丙壬線則成丙壬戊乙正
方即為甲戊丁勾股形所容之方故甲
戊丁勾股形之甲戊股與乙丙方邊之
比同於甲乙丙勾股形之甲乙股與已
辛方邊之比也

設如有方城一座四正有門自南門直行八里有一
塔自西門直行至二里切城角亦望見塔問城每
面幾何




法以西門外二里與南門外八里相乘
 得十六里開方得四里倍之得八里即
 為城每一面之數也如圖甲乙丙勾股
 形乙己為西門外二里甲丁為南門外
 八里戊己與戊丁皆為城之每邊之一
 半而甲丁戊勾股形與戊己乙勾股形
 為同式故乙己與己戊之比同於戊丁
 與丁甲之比為相當比例四率且己戊
 與戊丁皆為一體故又為相連比例三




率是以乙巳首率與甲丁末率相乘開方而得戊丁或戊巳皆為中率為城之每邊之一半也

設如有甲乙丙勾股形內容丁巳丙戊長方形但知丁戊寬為戊丙長四分之一從甲至戊為四尺從乙至巳為九尺問長方及勾股各幾何

法以甲戊四尺與乙巳九尺相乘得三十六尺為內容長方之積用四歸之得九尺開方得三尺為巳丙即長方之闊




以四因之得十二尺為戊丙即長方之
 長以戊丙十二尺加甲戊四尺得十六
 尺為股以己丙三尺加乙己九尺得十
 二尺為勾也蓋丁己乙勾股形與甲戊
 丁勾股形皆與甲乙丙勾股形為同式
 故丁己乙勾股形之乙己勾與丁己股
 之比即同於甲戊丁勾股形之丁戊勾
 與甲戊股之比而乙己首率與甲戊四
 率相乘之數必與丁己二率與丁戊三




率相乘之數相等是以乙巳與甲戌相
乘即為丁巳丙戌長方形之積也丁戌
既為戊丙之四分之一則以四歸之即
成丁戌線所作之正方形積故開方得
丁戌之闊又四因之而得戊丙之長也
既得丁戌而丁戌與巳丙等故巳丙與
乙巳相加得乙丙之勾而戊丙與甲戌
相加得甲丙之股也

設如有勾八尺股十五尺弦十七尺問內容圓徑幾




何

法以勾八尺與股十五尺相乘得一百
 二十尺乃以勾八尺股十五尺弦十七
 尺三數相加共四十尺除之得三尺為
 容圓半徑倍之得六尺為容圓全徑也
 如圖甲乙丙勾股形內容丁圓形試自
 圓中心至甲乙丙三角作丁甲丁乙丁
 丙三線則分甲乙丙勾股形為甲丁乙
 甲丁丙乙丁丙三三角形勾股弦三線



皆為三角形之底邊而丁戊半徑皆為
其垂線矣今勾股相乘所得之長方積
原比甲乙丙勾股形積大一倍即如將
所分三三角形各用垂線乘底邊所得
之三長方積合為一長方也三長方之
長雖不同而闊則一故各以長除積而
得闊者即如合勾股弦三邊除勾股相
乘之積而得半徑也
又法以勾八尺與股十五尺相加得二



十三尺內減弦十七尺餘六尺即為內
 容圓之全徑也如圖甲乙丙勾股形自
 圓中心作丁甲丁乙丁丙三線又作丁
 戊丁已丁庚三垂線則丙戊與丙已等
 甲戊與甲庚等乙已與乙庚原等甲乙
 股與乙丙勾相併比甲丙弦所多者惟
 乙已乙庚二段今於甲乙股乙丙勾相
 併度內減去甲丙弦即如甲乙股內減
 去與甲戊等之甲庚乙丙勾內減去與

丙戌等之丙巳所餘者止乙庚與乙巳
皆為圓之半徑二半徑相合非全徑耶

勾股弦和較相求法

上

勾股弦和較相求之法錯綜變換共有六十舊算書
所有者八按舊法可以變通者三十有四舊法所無
今創立者一十有八依題比類列目於前按法循序
設問於後以備人之觀覽焉

有勾有股弦較求股弦

第一
舊有

有勾有股弦和求股弦

第二
舊有

有股有勾弦較求勾弦

第三
舊有

有股有勾弦和求勾弦

第四
舊有

有弦有勾股較求勾股

第五
舊有

有弦有勾股和求勾股

第六
舊有

有勾弦和有股弦和求勾股弦

第七
舊有

有勾股和有股弦和求勾股弦

第八
新立

有勾股和有勾弦和求勾股弦

第九
新立

有勾弦較有股弦較求勾股弦

第十
舊有

有勾股較有勾弦較求勾股弦

第十一
按舊法變通

有勾股較有股弦較求勾股弦

第十二
按舊法變通

有勾股和有勾弦較求勾股弦

第十四
新立

有勾股和有股弦較求勾股弦

第十五
新立

有勾弦和有股弦較求勾股弦

並見第十
五新立

有勾弦和有勾股較求勾股弦

第十三
舊法變通按

有股弦和有勾弦較求勾股弦

并見第十
四新立

有股弦和有勾股較求勾股弦

并見第十三
按舊法變通

有勾有勾股弦總和求股弦

第十八
舊法變通按

有勾有弦與勾股和之較求股弦

第十六
舊法變通按

有勾有弦與勾股較之和求股弦

第十九
舊法變通按

有勾有弦與勾股較之較求股弦

第十七
舊法變通按

有股有勾股弦總和求勾弦

第二十二按
舊法變通

有股有弦與勾股和之較求勾弦

第二十按
舊法變通

有股有弦與勾股較之和求勾弦

第二十三按
舊法變通

有股有弦與勾股較之較求勾弦

第二十一按
舊法變通

有弦有勾股弦總和求勾股

第二十六按
舊法變通

有弦有弦與勾股和之較求勾股

第二十四按
舊法變通

有弦有弦與勾股較之和求勾股

第二十七按
舊法變通

有弦有弦與勾股較之較求勾股

第二十五按
舊法變通

有勾股和有勾股弦總和求勾股弦

第二十六按
舊法變通

法變通

有勾股和有弦與勾股和之較求勾股弦

并見第二

十四按舊法變通

有勾股和有弦與勾股較之和求勾股弦

第十八

新立

有勾股和有弦與勾股較之較求勾股弦

第三十七

新立

有勾弦和有勾股弦總和求勾股弦

并見第二十二按舊

法變通

有勾弦和有弦與勾股和之較求勾股弦第十九

新立

有勾弦和有弦與勾股較之和求勾股弦第十四新

立

有勾弦和有弦與勾股較之較求勾股弦并見第二

十一按舊法變通

有股弦和有勾股弦總和求勾股弦并見第十

變通

有股弦和有弦與勾股和之較求勾股弦第十四

新立

有股弦和有弦與勾股較之和求勾股弦

並見第十

九按舊法變通

有股弦和有弦與勾股較之較求勾股弦

第十四

新立

有勾股較有勾股弦總和求勾股弦

第三十四新立

有勾股較有弦與勾股和之較求勾股弦

第十四

新立

有勾股較有弦與勾股較之和求勾股弦

並見第二

十七按舊法變通

有勾股較有弦與勾股較之較求勾股弦并見第二

十五按舊法變通

有勾弦較有勾股弦總和求勾股弦第三十五新立

有勾弦較有弦與勾股和之較求勾股弦并見第二

十按舊法變通

有勾弦較有弦與勾股較之和求勾股弦并見第二

十三按舊法變通

有勾弦較有弦與勾股較之較求勾股弦第四十四

新立

有股弦較有勾股弦總和求勾股弦

第三十
新立

有股弦較有弦與勾股和之較求勾股弦

并見
第十

六按舊
法變通

有股弦較有弦與勾股較之和求勾股弦

第四
十五

新立

有股弦較有弦與勾股較之較求勾股弦

并見
第十

七按舊
法變通

有勾股弦總和有弦與勾股和之較求勾股弦

第三十三按
舊法變通

有勾股弦總和有弦與勾股較之和求勾股弦

第三十按
舊法變通

有勾股弦總和有弦與勾股較之較求勾股弦

第三十一按
舊法變通

有弦與勾股和之較有弦與勾股較之和求勾

股弦
第二十九按
舊法變通

有弦與勾股和之較有弦與勾股較之較求勾

股弦
第二十八按
舊法變通


有弦與勾股較之和有弦與勾股較之較求勾

股弦


第三十二按
舊法變通

設如有勾十五尺股弦較五尺求股弦各幾何


第一




法以勾十五尺自乘得二百二十五尺
以股弦較五尺除之得四十五尺為股
弦和與股弦較五尺相加得五十尺折
半得二十五尺為弦於弦二十五尺內
減股弦較五尺餘二十尺為股也如圖
甲乙為勾十五尺丁乙為股弦較五尺




試自甲至丁作甲丁線則成甲乙丁勾
股形復以丁乙線引長而以甲為直角
作甲丙線則又成丙甲丁勾股形爰以
丁丙線折半於戊而以戊為心甲為界
作丙甲丁半圓則丁乙甲乙乙丙即為
連比例三率故以中率甲乙勾自乘以
首率丁乙股弦較除之得末率乙丙為
股弦和也乙丙與丁乙相加得丁丙全
徑折半得丁戊戊丙半徑俱與甲戊等



故甲戊為弦於丁戊半徑內減丁乙股
 弦較餘乙戊即為股也又圖甲乙丙丁
 為弦自乘之正方積甲庚己戊為股自
 乘之正方積故乙丙丁戊己庚磬折形
 與勾自乘之正方積相等今將戊己辛
 丁移為辛壬癸丙則成庚乙癸壬一長
 方形其庚壬長即股弦和其庚乙闊即
 股弦較故將勾自乘之數以股弦較除
 之而得股弦和也




又法以勾十五尺自乘得二百二十五尺又以股弦較五尺自乘得二十五尺相減餘二百尺折半得一百尺以股弦較五尺除之得二十尺為股加股弦較五尺得二十五尺為弦也如圖甲乙丙丁為弦自乘之正方積甲庚己戊為股自乘之正方積故乙丙丁戊己庚磬折形與勾自乘之正方積相等而已壬丙辛即股弦較自乘之正方積也於乙丙




丁戊己庚磬折形積內減己壬丙辛股
 弦較自乘之正方積餘庚乙壬己與戊
 己辛丁二長方形折半即餘戊己辛丁
 一長方形其戊己長即股其己辛闊即
 股弦較故以股弦較除折半之積而得
 股也

設如有勾二十八尺股弦和九十八尺求股弦各幾
 何第二


法以勾二十八尺自乘得七百八十四



尺以股弦和九十八尺除之得八尺為
 股弦較與股弦和九十八尺相加得一
 百零六尺折半得五十三尺為弦於股
 弦和九十八尺內減弦五十三尺餘四
 十五尺為股也如圖甲乙為勾二十八
 尺乙丙為股弦和九十八尺試自甲至
 丙作甲丙線則成甲乙丙勾股形復以
 乙丙線引長而以甲為直角作甲丁線
 則又成丙甲丁勾股形爰以丁丙線折




半於戊而以戊為心作丙甲丁半圓則
 乙丙甲乙丁乙即為連比例三率故以
 中率甲乙勾自乘以首率乙丙股弦和
 除之得末率丁乙為股弦較也丁乙與
 乙丙相加得丁丙全徑折半得丁戊戊
 丙半徑俱與甲戊等故甲戊為弦於乙
 丙股弦和內減戊丙半徑或於丁戊半
 徑內減丁乙股弦較餘乙戊即為股也
 又圖甲乙丙丁為弦自乘之正方積甲




庚己戊為股自乘之正方積故乙丙丁
戊己庚磬折形與勾自乘之正方積相
等今將戊己辛丁移為辛壬癸丙則成
庚乙癸壬一長方形其庚壬長即股弦
和其庚乙闊即股弦較故勾自乘之數
以股弦和除之而得股弦較也

又法以勾二十八尺自乘得七百八十
四尺又以股弦和九十八尺自乘得九
千六百零四尺兩數相加得一萬零三




百八十八尺折半得五千一百九十四
 尺以股弦和九十八尺除之得五十三
 尺為弦於股弦和九十八尺內減弦五
 十三尺餘四十五尺為股也如圖甲乙
 丙丁為股弦和自乘之正方積內戊己
 丙庚為弦自乘之正方積甲辛戊壬為
 股自乘之正方積辛乙己戊與壬戊庚
 丁為股弦相乘之二長方積勾自乘之
 正方積則與癸子辛甲壬丑磬折形相




等如如甲辛戊壬股自乘之正方積則
成癸子戊丑正方形為一勾方一股方
相和之積而與戊己丙庚一弦方之積
相等今以勾自乘之磬折形之積加於
股弦和自乘之正方積內即如將癸寅
壬丑長方形移補於子卯乙辛遂成寅
卯丙丁一大長方形折半則餘壬己丙
丁一長方形其闊即弦其長即股弦和
故以股弦和除折半之積而得弦也

設如有股三十二尺勾弦較十六尺求勾弦各幾何


第三



法以股三十二尺自乘得一千零二十四尺以勾弦較十六尺除之得六十四尺為勾弦和與勾弦較十六尺相加得八十尺折半得四十尺為弦於弦四十尺內減勾弦較十六尺餘二十四尺為勾也如圖甲乙為股三十二尺丁乙為勾弦較十六尺試自甲至丁作甲丁線




則成甲乙丁勾股形復以丁乙線引長
而以甲為直角作甲丙線則又成丙甲
丁勾股形爰以丁丙線折半於戊而以
戊為心甲為界作丙甲丁半圓則丁乙
甲乙乙丙即為連比例三率故以中率
甲乙股自乘以首率丁乙勾弦較除之
得末率乙丙為勾弦和也丁乙與乙丙
相加為丁丙全徑折半得丁戊戊丙半
徑俱與甲戊等故甲戊為弦於丁戊半




徑內減丁乙勾弦較餘乙戊即為勾也
 又圖甲乙丙丁為弦自乘之正方積甲
 庚已戊為勾自乘之正方積故乙丙丁
 戊已庚磬折形與股自乘之正方積相
 等今將戊已辛丁移為辛壬癸丙則成
 庚乙癸壬一長方形其庚壬長即勾弦
 和其庚乙闊即勾弦較故將股自乘之
 數以勾弦較除之而得勾弦和也


又法以股三十二尺自乘得一千零二



十四尺又以勾弦較十六尺自乘得二百五十六尺相減餘七百六十八尺折半得三百八十四尺以勾弦較十六尺除之得二十四尺為勾加勾弦較十六尺得四十尺為弦也如圖甲乙丙丁為弦自乘之正方積甲庚己戊為勾自乘之正方積故乙丙丁戊己庚磬折形與股自乘之正方積相等而以壬丙辛即勾弦較自乘之正方積也於乙丙丁戊




設如有股八





已庚磬折形積內減已壬丙辛勾弦較
自乘之正方積餘庚乙壬己與戊己辛
丁二長方形折半即餘戊己辛丁一長
方形其戊己長即勾其己辛闊即勾弦
較故以勾弦較除折半之積而得勾也

第四



法以股八尺自乘得六十四尺以勾弦
和十六尺除之得四尺為勾弦較與勾
弦和十六尺相加得二十尺折半得十




尺為弦於勾弦和十六尺內減弦十尺
餘六尺為勾也如圖甲乙為股八尺乙
丙為勾弦和十六尺試自甲至丙作甲
丙線則成甲乙丙勾股形復以乙丙線
引長而以甲為直角作甲丁線則又成
丙甲丁勾股形爰以丁丙線折半於戊
而以戊為心甲為界作丙甲丁半圓則
乙丙甲乙丁乙即為連比例三率故將
中率甲乙股自乘以首率乙丙勾弦和




除之得末率丁乙為勾弦較也丁乙與
 乙丙相加為丁丙全徑折半得丁戊戊
 丙半徑俱與甲戊等故甲戊為弦於乙
 丙勾弦和內減戊丙半徑或丁戊半徑
 內減丁乙勾弦較餘乙戊即為勾也又
 圖甲乙丙丁為弦自乘之正方積甲庚
 己戊為勾自乘之正方積故乙丙丁戊
 己庚磬折形與股自乘之正方積相等
 今將戊己辛丁移為辛壬癸丙則成庚



乙癸壬一長方形其庚壬長即勾弦和
其庚乙闊即勾弦較故股自乘之數以
勾弦和除之而得勾弦較也
又以法股八尺自乘得六十四尺又以
勾弦和十六尺自乘得二百五十六尺
相加得三百二十尺折半得一百六十
尺以勾弦和十六尺除之得十尺為弦
於勾弦和十六尺內減弦十尺餘六尺
為勾也如圖甲乙丙丁為勾弦和自乘




之正方積內戊己丙庚為弦自乘之正
 方積甲辛戊壬為勾自乘之正方積辛
 乙己戊與壬戊庚丁為勾弦相乘之二
 長方積股自乘之正方積則與癸子辛
 甲壬丑之磬折形相等如加甲辛戊壬
 勾自乘之正方積則成癸子戊丑正方
 形為一勾方一股方相和之積而與戊
 己丙庚一弦方之積相等今以股自乘
 之磬折形之積加於勾弦和自乘之正



方積內即如將癸寅壬丑長方形移補
於子卯乙辛遂成寅卯丙丁一大長方
形折半則餘壬己丙丁一長方形其闊
即弦其長即勾弦和故以勾弦和除折
半之積而得弦也

設如有弦三十四尺勾股較十四尺求勾股各幾何
第五


法以弦三十四尺自乘得一千一百五
十六尺又以勾股較自乘得一百九十




六尺相減餘九百六十尺折半得四百
 八十尺為勾股相乘之一長方形積乃
 以勾股較十四尺為長闊較用帶縱較
 數開方法算之得闊十六尺為勾得長
 三十尺為股也如圖甲乙丙丁為弦自
 乘之正方積戊己庚辛為勾股較自乘
 之正方積相減餘甲戊乙類四勾股形
 為二長方形積折半餘一長方形積其
 闊即勾其長即股其長闊較即勾股較

故以帶縱較數開方法算之而得闊為
勾得長為股也

又法以弦三十四尺自乘得一千一百
五十六尺倍之得二千三百一十二尺
又以勾股較十四尺自乘得一百九十
六尺相減餘二千一百一十六尺開方
得四十六尺為勾股和於勾股和四十
六尺內減勾股較十四尺餘三十二尺
折半得十六尺為勾於勾十六尺加勾







股較十四尺得三十尺為股也如圖甲
 乙丙丁為勾股和自乘之正方內容甲
 戊己類八勾股積與壬癸子丑一勾股
 較積戊己庚辛為弦自乘之正方內容
 戊癸己類四勾股積與壬癸子丑一勾
 股較積倍之則為八勾股積二勾股較
 積即如甲乙丙丁一大正方形仍餘壬
 癸子丑一小正方形今減所餘壬癸子
 丑一小正方形即一勾股較積仍餘八勾股積

一勾股較積為甲乙丙丁正方形即勾股和自乘之方故開方而得勾股和也
設如有弦三十九尺勾股和五十一尺求勾股各幾


何第六




法以勾股和五十一尺自乘得二千六百零一尺又以弦三十九尺自乘得一千五百二十一尺相減餘一千零八十八尺折半得五百四十尺為勾股相乘之一長方形積乃以勾股和五十一尺為



長闊和用帶縱和數開方法算之得闊
 十五尺為勾得長三十六尺為股也如
 圖甲乙丙丁為勾股和自乘之正方積
 戊己庚辛為弦自乘之正方積相減餘
 甲戊己類四勾股形為二長方形積折
 半餘一長方形積其闊即勾其長即股
 其長闊和即勾股和故以帶縱和數開
 方法算之而得闊為勾得長為股也
 又法以弦三十九尺自乘得一千五百



二十一尺倍之得三千零四十二尺又以勾股和五十一尺自乘得二千六百零一尺相減餘四百四十一尺開方得二十一尺為勾股較於勾股和五十一尺內減勾股較二十一尺餘三十尺折半得十五尺為勾於勾十五尺加勾股較二十一尺得三十六尺為股也如圖戊己庚辛為弦自乘之正方內容戊癸己類四勾股積與壬癸子丑一勾股較




積倍之則為八勾股積二勾股較積即
 如甲乙丙丁一大正方形仍餘壬癸子
 丑一小正方形又甲乙丙丁為勾股和
 自乘之正方面容甲戊己類八勾股積
 壬癸子丑一勾股較積今以所倍之一
 大正方形又餘一小正方形內減甲乙
 丙丁正方形即餘壬癸子丑一小正方
 形為勾股較積故開方而得勾股較也


設如有勾弦和二十四尺股弦和二十七尺求勾股

弦各幾何


第七




法以勾弦和二十四尺與股弦和二十
七尺相乘得六百四十八尺倍之得一
千二百九十六尺開方得三十六尺為
勾股弦總和於總和三十六尺內減勾
弦和二十四尺餘十二尺為股於總和
三十六尺內減股弦和二十七尺餘九
尺為勾於股弦和二十七尺內減股十
二尺或勾弦和二十四尺內減勾九尺



餘十五尺為弦也如圖甲乙線為勾弦
 和甲丁線為股弦和相乘得甲乙丙丁
 長方形內戊己庚丁為弦自乘之正方
 辛乙壬己為勾股相乘之長方甲辛己
 戊為股弦相乘之長方己壬丙庚為勾
 弦相乘之長方倍之即為癸子丑寅一
 大正方其每一邊即勾股弦之總和其
 卯辰己寅為弦自乘之正方即如前圖
 之戊己庚丁然其午未申辰為股自乘



之正方其酉子戌未為勾自乘之正方
兩方相合又與前圖戌己庚丁弦自乘
之正方相等其艮酉未午與未戌乾申
為勾股相乘之二長方每一形即如前
圖之辛乙壬己然其亥午辰卯與辰申
坎己為股弦相乘之二長方每一形即
如前圖之甲辛己戌然其癸艮午亥與
申乾丑坎為勾弦相乘之二長方每一
形即如前圖之己壬丙庚然因癸子丑




寅正方比甲乙丙丁長方每一形俱多
 一倍故甲乙勾弦和甲丁股弦和相乘
 所成之甲乙丙丁長方倍之而與癸子
 丑寅正方等開方得癸子類之每一邊
 皆為勾股弦之總和也

設如有勾股和二十一尺股弦和二十七尺求勾股

弦各幾何第八

法以勾股和二十一尺自乘得四百四
 十一尺又以股弦和二十七尺自乘得



七百二十九尺兩數相減餘二百八十

八尺乃以勾股和二十一尺與勾弦和

二十七尺相減餘六尺為勾弦較蓋股與勾

和股與弦和皆為一股所自乘得三十


六尺與兩和自乘相減之餘二百八十

八尺相加得三百二十四尺開方得十



八尺為股與勾弦較之和內減勾弦較

六尺餘十二尺為股於勾股和二十一


尺內減股十二尺餘九尺為勾加勾弦



較六尺得十五尺為弦也如圖甲乙丙
 丁為勾股和自乘之一大正方內戊乙
 庚己為股自乘之一正方辛己壬丁為
 勾自乘之一正方甲戊己辛與己庚丙
 壬為勾股相乘之二長方又癸子丑寅
 為股弦和自乘之一大正方內卯子己
 辰為股自乘之一正方午辰未寅為弦
 自乘之一正方癸卯辰午與辰己丑未
 為股弦相乘之二長方今甲乙丙丁勾




股和自乘之方與癸子丑寅股弦和自乘之方相減則於癸子丑寅股弦和自乘之方內去卯子巳辰股自乘之一正方酉辰戌乾勾自乘之一正方又去申卯辰酉與辰巳亥戌勾股相乘之二長方所餘癸申酉午與戌亥丑未二長方為勾弦較與股相乘之二長方又午酉乾戌未寅一磬折形為弦自乘之一正方內減勾自乘之一正方所餘之股自




乘之一正方如以此磬折形積作一股
 自乘之一正方再加癸申酉午與戌亥
 丑未之勾弦較與股相乘之二長方則
 惟缺午艮未震為勾弦較自乘之一小
 正方今以勾弦較自乘之數加於兩和
 自乘相減之餘甫成癸坎丑震一正方
 故開方而得癸坎類之每一邊為股與
 勾弦較相和之數也

設如有勾股和二十一尺勾弦和二十四尺求勾股



弦各幾何第九



法以勾股和二十一尺自乘得四百四
十一尺又以勾弦和二十四尺自乘得
五百七十六尺兩數相減餘一百三十
五尺乃以勾股和二十一尺與勾弦和
二十四尺相減餘三尺為股弦較蓋勾
與股
和勾與弦和皆為一勾所
和故相減即股弦較也自乘得九尺
與兩和自乘相減之餘一百三十五尺
相加得一百四十四尺開方得十二尺



為勾與股弦較之和內減股弦較三尺
 餘九尺為勾於勾股和二十一尺內減
 勾九尺餘十二尺為股加股弦較三尺
 得十五尺為弦也如圖甲乙丙丁為勾
 股和自乘之一大正方內戊乙庚己為
 勾自乘之一正方辛己壬丁為股自乘
 之一正方甲戊己辛與己庚丙壬為勾
 股相乘之二長方又癸子丑寅為勾弦
 和自乘之一大正方內卯子巳辰為勾



自乘之一正方午辰未寅為弦自乘之
一正方癸卯辰午與辰巳丑未為勾弦
相乘之二長方今甲乙丙丁勾股和自
乘之方與癸子丑寅勾弦和自乘之方
相減則於癸子丑寅勾弦和自乘之方
內去卯子巳辰勾自乘之一正方酉辰
戌乾股自乘之一正方又去申卯辰酉
與辰巳亥戌勾股相乘之二長方所餘
癸申酉午與戌亥丑未二長方為股弦




較與勾相乘之二長方又午酉乾戌未
 寅一磬折形為弦自乘之一正方內減
 股自乘之一正方所餘之勾自乘之一
 正方如以此磬折形積作一勾自乘之
 一正方再加癸申酉午與戌亥丑未之
 股弦較與勾相乘之二長方則惟缺午
 艮未震為股弦較自乘之一小正方今
 以股弦較自乘之數加於兩和自乘相
 減之餘甫成癸坎丑震一正方故開方


而得癸坎類之每一邊為勾與股弦較
相和之數也

設如有勾弦較九尺股弦較二尺求勾股弦各幾何


第十




法以勾弦較九尺與股弦較二尺相乘
得十八尺倍之得三十六尺開方得六
尺為弦比勾股和相差之較加股弦較
二尺得八尺為勾加勾弦較九尺得十
五尺為股於勾數加勾弦較九尺得十



七尺為弦或於股數加股弦較二尺亦
 得十七尺為弦也如圖甲乙丙丁為弦
 自乘之一正方戊己丙庚為股自乘之
 一正方二方相減所餘甲乙己戊庚丁
 磬折形即與勾自乘之一正方等而乙
 己與庚丁皆為股弦較試作甲壬癸辛
 一正方為勾自乘之方則壬乙與辛丁
 皆為股弦較其壬丑與乙己等辛子與
 丁庚等亦皆為股弦較以壬乙之勾弦



較與壬丑之股弦較相乘則成壬乙己丑之一長方形以辛丁之勾弦較與辛子之股弦較相乘則成辛子庚丁之一長方形此兩長方形必與戊丑癸子一正方形相等何也蓋甲乙己戊庚丁與勾自乘之一正方形相等之磬折形內減甲壬丑戊子辛一小磬折形則餘壬乙己丑與辛子庚丁二長方形若於甲壬癸辛勾自乘之一正方形內減甲壬丑戊



子辛磬折形則餘戊丑癸子一小正方
 形夫甲乙巳戊庚丁磬折形既與甲壬
 癸辛之勾自乘之一正方相等今同減
 去甲壬丑戊子辛磬折形則彼所餘之
 二長方必與此所餘之一正方相等可
 知矣故勾弦較與股弦較相乘倍之開
 方而得弦比勾股和相差之較加股弦
 較得勾加勾弦較而得股也蓋圖以乙丙為弦
 丙為股故乙巳為股弦較若以壬癸勾
 與乙丙股相和則壬癸勾之壬丑一段

即為股弦較而勾股和比弦所多者惟
丑癸一段故丑癸為弦比勾股和相差
之較也

設如有勾股較三十四尺勾弦較三十六尺求勾股

弦各幾何 第十

法以勾股較三十四尺與勾弦較三十
六尺相減餘二尺為股弦較即如前法
以股弦較二尺與勾弦較三十六尺相
乘得七十二尺倍之得一百四十四尺
開方得十二尺為弦比勾股和相差之

甲 乙 丙

較加股弦較二尺得十四尺為勾加勾
弦較三十六尺得四十八尺為股於勾
數加勾弦較三十六尺得五十尺為弦
或於股數加股弦較二尺亦得五十尺
為弦也如圖甲乙為勾甲丙為股甲丁
為弦乙丙為勾股較乙丁為勾弦較而
丙丁為股弦較今以乙丁勾弦較減乙
丙勾股較所餘丙丁即為股弦較既得
股弦較則如勾弦較股弦較求勾股弦

之法算之即得各數矣

設如有勾股較十四尺股弦較二尺求勾股弦各幾

何
第十第二

法以勾股較十四尺與股弦較二尺相加得十六尺為勾弦較即如前法以勾弦較十六尺與股弦較二尺相乘得三十二尺倍之得六十四尺開方得八尺為弦比勾股和相差之較加股弦較二尺得十尺為勾加勾弦較十六尺得二

丁 丙 乙

十四尺為股於勾數加勾弦較十六尺
得二十六尺為弦或於股數加股弦較
二尺亦得二十六尺為弦也如圖甲乙
為勾甲丙為股甲丁為弦乙丙為勾股
較丙丁為股弦較而乙丁為勾弦較今
以乙丙勾股較與丙丁股弦較相加則
得乙丁之勾弦較既得勾弦較則如勾
弦較股弦較求勾股弦之法算之即得
各數矣

設如有勾弦和二十四尺勾股較三尺求勾股弦各

幾何

第三十

法以勾弦和二十四尺加勾股較三尺
得二十七尺為股弦和用勾弦和股弦
和求勾股弦之法算之以勾弦和二十
四尺與股弦和二十七尺相乘得六百
四十八尺倍之得一千二百九十六尺
開方得三十六尺為勾股弦總和內減
勾弦和二十四尺餘十二尺為股減勾

丁 丙 乙 甲

丁 丙 乙 甲

股較三尺餘九尺為勾於勾弦和二十四尺內減勾九尺餘十五尺為弦也如圖甲丙為股乙丙為勾丙丁為弦乙丁為勾弦和甲乙為勾股較而甲丁為股弦和故甲乙勾股較與乙丁勾弦和相加得甲丁為股弦和也若夫股弦和勾股較求勾股弦者則於股弦和內減勾股較即勾弦和亦用勾弦和股弦和求勾股弦之法算之如甲丙為股乙丙為

丁 丙 乙 甲

勾丙丁為弦則甲丁為股弦和甲乙為
勾股較而乙丁為勾弦和故於甲丁股
弦和內減甲乙勾股較餘乙丁為勾弦
和也

設如有勾股和二十三尺勾弦較九尺求勾股弦各

幾何第四十

法以勾股和二十三尺加勾弦較九尺
得三十二尺為股弦和用勾股和股弦
和求勾股弦之法算之以勾股和二十

三尺自乘得五百二十九尺又以股弦
和三十二尺自乘得一千零二十四尺
兩數相減餘四百五十九尺乃以勾弦
較九尺自乘得八十一尺與兩和自乘
相減之餘四百九十五尺相加得五百
七十六尺開方得二十四尺為股與勾
弦較之和內減勾弦較九尺餘十五尺
為股於勾股和二十三尺內減股十五
尺餘八尺為勾加勾弦較九尺得十七

丁 丙 乙 甲

尺為弦也如圖甲丙為弦乙丙為勾丙
丁為股乙丁為勾股和甲乙為勾弦較
而甲丁為股弦和故甲乙勾弦較與乙
丁勾股和相加得甲丁為股弦和也若
夫股弦和勾弦較求勾股弦者則於股
弦和內減勾弦較即勾股和亦用勾股
和股弦和求勾股弦之法算之如甲丙
為弦乙丙為勾丙丁為股則甲丁為股
弦和甲乙為勾弦較而乙丁為勾股和

故於甲丁股弦和內減甲乙勾弦較餘

乙丁為勾股和也

設如有勾股和十七尺股弦較一尺求勾股弦各幾

何第五十

法以勾股和十七尺加股弦較一尺得
十八尺為勾弦和用勾股和勾弦和求
勾股弦之法算之以勾股和十七尺自
乘得二百八十九尺又以勾弦和十八
尺自乘得三百二十四尺兩數相減餘

丁丙

乙

三十五尺乃以股弦較一尺自乘仍得
一尺與兩和自乘相減之餘三十五尺
相加得三十六尺開方得六尺為勾與
股弦較之和內減股弦較一尺餘五尺
為勾於勾股和十七尺內減勾五尺餘
十二尺為股加股弦較一尺得十三尺
為弦也如圖甲乙為勾乙丙為股乙丁
為弦甲丙為勾股和丙丁為股弦較而
甲丁為勾弦和故甲丙勾股和與丙丁



股弦較相加得甲丁為勾弦和也若夫
勾弦和股弦較求勾股弦者則於勾弦
和內減股弦較即勾股和亦用勾股和
勾弦和求勾股弦之法算之如甲乙為
勾乙丙為股乙丁為弦則甲丁為勾弦
和丙丁為股弦較而甲丙為勾股和故
於甲丁勾弦和內減丙丁股弦較餘甲
丙為勾股和也

設如有勾八尺弦與勾股和之較六尺求股弦各幾

何第十
六

甲 乙 丙

法以勾八尺內減弦與勾股和之較六尺餘二尺為股弦較用有勾有股弦較求股弦法算之如甲乙為勾乙丙為股甲丙為勾股和丁丙為弦甲丁為弦與勾股和之較丁乙為股弦較故甲乙勾內減甲丁弦與勾股和之較餘丁乙為股弦較也若有股弦較與弦與勾股和之較求勾股弦者則以股弦較與弦與


勾股和之較相加即勾亦用有勾有股
弦較求股弦法算之

設如有勾八尺弦與勾股較之較十尺求股弦各幾

何第十

七

法以勾八尺與弦與勾股較之較十尺
相減餘二尺為股弦較用有勾有股弦
較求股弦法算之如甲乙為股丙乙為
勾甲丁為弦甲丙為勾股較乙丁為股
弦較丙丁為弦與勾股較之較故丙丁



丁 丙 乙

弦與勾股較之較內減丙丁勾餘乙丁
為股弦較也若有股弦較與弦與勾股
較之較求勾股弦者則以股弦較與弦
與勾股較之較相減餘即勾亦用有勾
有股弦較求股弦法算之

設如有勾八尺勾股弦總和四十尺求股弦各幾何

第十
八

法以勾八尺與勾股弦總和四十尺相
減餘三十二尺為股弦和用有勾有股



弦和求股弦法算之如甲乙為勾乙丙
為股丙丁為弦甲丁為勾股弦總和故
甲丁勾股弦總和內減甲乙勾餘乙丁
為股弦和也若有股弦和與勾股弦總
和求勾股弦者則以股弦和與勾股弦
總和相減餘即勾亦用有勾有股弦和
求股弦法算之

設如有勾八尺弦與勾股較之和二十四尺求股弦

各幾何

第十
九

法以勾八尺與弦與勾股較之和二十四尺相加得三十二尺為股弦和用有勾有股弦和求股弦法算之如甲乙為勾甲丙為股乙丙為勾股較丙丁為弦甲丁為股弦和乙丁為弦與勾股較之和故以甲乙勾與乙丁弦與勾股較之和相加得甲丁為股弦和也若有股弦和與弦與勾股較之和求勾股弦者則於股弦和內減弦與勾股較之和餘即

設如有股十五尺弦與勾股和之較六尺求勾弦各
幾何

第二
十

而 乙 丁 甲

勾亦用有勾有股弦和求股弦法算之
法以股十五尺內減弦與勾股和之較
六尺餘九尺為勾弦較用有股有勾弦
較求勾弦法算之如甲乙為股乙丙為
勾甲丙為勾股和丁丙為弦甲丁為弦
與勾股和之較丁乙為勾弦較故甲乙
股內減甲丁弦與勾股和之較餘丁乙

甲 丁 乙 丙

即勾弦較也若有勾弦較與弦與勾股
和之較求勾股弦者則以勾弦較與弦
與勾股和之較相加即股亦用有股有
勾弦較求勾弦法算之

設如有股十五尺弦與勾股較之較十尺求勾弦各

幾何
第十二

甲 丙 乙 丁

法以股十五尺與弦與勾股較之較十
尺相加得二十五尺為勾弦和用有股
有勾弦和求勾弦法算之如甲乙為股

甲丙為勾丙丁為弦甲丁為勾弦和丙
乙為勾股較乙丁為弦與勾股較之較
故以甲乙股與乙丁弦與勾股較之較
相加得甲丁為勾弦和也若有勾弦和
與弦與勾股較之較求勾股弦者則於
勾弦和內減弦與勾股較之較餘即股
亦用有股有勾弦和求勾弦法算之

設如有股十五尺勾股弦總和四十尺求勾弦各幾

何
第十
二二

丁 丙 乙 甲

法以股十五尺與勾股弦總和四十尺
相減餘二十五尺為勾弦和用有股有
勾弦和求勾弦法算之如甲乙為股乙
丙為勾丙丁為弦甲丁為勾股弦總和
故甲丁勾股弦總和內減甲乙股餘乙
丁為勾弦和也若有勾弦和與勾股弦
總和求勾股弦者則以勾股和與勾股
弦總和相減餘即股亦用有股有勾弦
和求勾弦法算之

設如有股十五尺弦與勾股較之和二十四尺求勾

弦各幾何

第二十三

甲 丙 乙 丁

法以股十五尺與弦與勾股較之和二十四尺相減餘九尺為勾弦較用有股有勾弦較求勾弦法算之如甲乙為股丙乙為勾丙丁為弦甲丙為勾股較乙丁為勾弦較甲丁為弦與勾股較之和故甲丁弦與勾股較之和內減甲乙股餘乙丁為勾弦較也若有勾弦較與弦

丁 乙 丙 甲

與勾股較之和求勾股弦者則以勾弦較與弦與勾股較之和相減餘即股亦用有股有勾弦較求勾弦法算之

設如有弦十七尺弦與勾股和之較六尺求勾股各

幾何
第十四

丁 乙 丙 甲

法以弦十七尺與弦與勾股和之較六尺相加得二十三尺為勾股和用有弦有勾股和求勾股法算之如甲乙為弦甲丙為勾丙丁為股甲丁為勾股和乙

丁 乙 丙

丁為弦與勾股和之較故甲乙弦與乙
丁弦與勾股和之較相加得甲丁為勾
股和也若有勾股和與弦與勾股和之
較求勾股弦者則於勾股和內減弦與
勾股和之較餘即弦亦用有弦有勾股
和求勾股法算之

設如有弦十七尺弦與勾股較之較十尺求勾股各

幾何
第十五

法以弦十七尺內減弦與勾股較之較

丁 乙 丙

十尺餘七尺為勾股較用有弦有勾股較求勾股法算之如甲乙為弦丙丁為股乙丁為勾丙乙為勾股較甲丙為弦與勾股較之較故甲乙弦內減甲丙弦與勾股較之較餘丙乙為勾股較也若有勾股較與弦與勾股較之較求勾股弦者則以勾股較與弦與勾股較之較相加即弦亦用有弦有勾股較求勾股法算之

設如有弦十七尺勾股弦總和四十尺求勾股各幾

何第二十六

丁 丙 乙

法以弦十七尺與勾股弦總和四十尺相減餘二十三尺為勾股和用有弦有勾股和求勾股法算之如甲乙為弦乙丙為勾丙丁為股甲丁為勾股弦總和故甲丁勾股弦總和內減甲乙弦餘乙丁為勾股和也若有勾股和與勾股弦總和求勾股弦者則以勾股和與勾股


弦總和相減餘卽弦亦用有弦有勾股和求勾股法算之

設如有弦十七尺弦與勾股較之和二十四尺求勾

股各幾何

第十二

法以弦十七尺與弦與勾股較之和二十四尺相減餘七尺為勾股較用有弦有勾股較求勾股法算之如甲乙為弦乙丙為股丁丙為勾乙丁為勾股較甲丁為弦與勾股較之和故甲丁弦與勾



丙 丁 乙

股較之和內減甲乙弦餘乙丁為勾股較也若有勾股較與弦與勾股較之和求勾股弦者則於弦與勾股較之和內減勾股較餘即弦亦用有弦有勾股較求勾股法算之

設如有弦與勾股和之較六尺弦與勾股較之較十尺求勾股弦各幾何

第十二

法以弦與勾股和之較六尺與弦與勾股較之較十尺相加得十六尺折半得

八尺為勾於勾八尺內減弦與勾股和之較六尺餘二尺為股弦較用有勾有股弦較求股弦法算之如甲乙為股戊乙乙丙皆為勾甲丙為勾股和甲戊為勾股較甲丁為弦丁丙即弦與勾股和之較戊丁即弦與勾股較之較故丁丙弦與勾股和之較與戊丁弦與勾股較之較相加得戊丙為二勾之共數是以折半得勾也既得勾則於勾內減弦與

勾股和之較即股弦較矣

設如有弦與勾股和之較六尺弦與勾股較之和二

十四尺求勾股弦各幾何

第二十九

法以弦與勾股和之較六尺與弦與勾股較之和二十四尺相加得三十尺折半得十五尺為股於股十五尺內減弦與勾股和之較六尺餘九尺為勾弦較用有股有勾弦較求勾弦法算之如甲乙乙丙皆為股丁乙為勾丁丙為勾股

甲 丁 乙 戊 丙

甲 丁 乙 戊 丙

和甲丁為勾股較丁戊為弦戊丙即弦
與勾股和之較甲戊即弦與勾股較之
和故戊丙弦與勾股和之較與甲戊弦
與勾股較之和相加得甲丙為二股之
共數是以折半得股也既得股則於股
內減弦與勾股和之較即勾弦較矣

設如有勾股弦總和四十尺弦與勾股較之和二十

四尺求勾股弦各幾何

第三十

法以勾股弦總和四十尺內減弦與勾

丁 丙 戊 乙

股較之和二十四尺餘十六尺折半得
八尺為勾於勾股弦總和四十尺內減
勾八尺餘三十二尺為股弦和用有勾
有股弦和求股弦法算之如甲乙為弦
乙丙為股丙丁為勾乙戊為勾股較甲
丁為勾股弦總和甲戊為弦與勾股較
之和故甲丁勾股弦總和內減甲戊弦
與勾股較之和餘戊丁即二勾之共數
是以折半得勾也既得勾則於勾股弦

總和內減勾即股弦和矣

設如有勾股弦總和四十尺弦與勾股較之較十尺

求勾股弦各幾何

第三十一

法以勾股弦總和四十尺內減弦與勾股較之較十尺餘三十尺折半得十五尺為股於勾股弦總和四十尺內減股十五尺餘二十五尺為勾弦和用有股有勾弦和求勾弦法算之如甲乙為弦乙丙為勾丙丁為股戊乙為勾股較甲

丁 丙 乙 戊 甲


丁 丙 戊

丁為勾股弦總和甲戊為弦與勾股較之較故甲丁勾股弦總和內減甲戊弦與勾股較之較餘戊丁即二股之共數是以折半得股也既得股則於勾股弦總和內減股即勾弦和矣

設如有弦與勾股較之和二十四尺弦與勾股較之較十尺求勾股弦各幾何

第三十二

法以弦與勾股較之和二十四尺與弦與勾股較之較十尺相加得三十四尺



折半得十七尺為弦於弦與勾股較之和二十四尺內減弦十七尺餘七尺為勾股較用有弦有勾股較求勾股法算之如甲乙乙丙皆為弦乙丁為勾股較甲丁為弦與勾股較之和丁丙為弦與勾股較之較故甲丁弦與勾股較之和與丁丙弦與勾股較之較相加得甲丙為二弦之共數是以折半得弦也既得弦則於弦與勾股較之和內減弦即勾


股較矣

設如有勾股弦總和四十尺弦與勾股和之較六尺
求勾股弦各幾何

第三十三

法以勾股弦總和四十尺內減弦與勾
股和之較六尺餘三十四尺折半得十
七尺為弦於勾股弦總和四十尺內減
弦十七尺餘二十三尺為勾股和用有
弦有勾股和求勾股法算之如甲乙為
勾股和乙丙為弦甲丙為勾股弦總和





甲丁為弦與勾股和之較故甲丙勾股
弦總和內減甲丁弦與勾股和之較餘
丁丙即二弦之共數是以折半得弦也
既得弦則於勾股弦總和內減弦即勾
股和矣